

市糴考

市

京城市廛

附鄉市 外邑場市 互市 中江

北關 倭關 館市事例

文獻備考







東國文獻備考卷之一百七十七

校正

市糴考一

市為小民之資遷而亦資公家之需用糴乃  
公穀之歛散而實係民命之休戚故炎帝剏  
市左氏載糴誰昔然矣何代無之東方則市  
自斯廬糴本句麗雖未詳徵其來盖久我朝  
則尤有大焉恤市民而京師得固本之要重  
糴政而民國有相須之效至於邊府互市寔  
為交鄰之重事荒年賑恤乃是保民之王政



故自列朝勤勤致意罔或少忽而我聖上前  
後釐正而通變之者靡不用極不以衆民之  
貿遷而委之於一署之勾管不以倉穀之歛  
散而任之於列邑之贏縮科條之嚴立絲綸  
之屢飭莫非出於裕國濟民之至意猗歟休  
哉互市與鄉市雖異於京都之屢肆而其為  
交易則同故并付於市荒歲之賑穀蓋出於  
糴糴之餘蓄而其為預備則重故賑次於糴  
於是作市糴考第十七凡六卷



唐書曰新羅市皆婦人貿販

①補宋孫穆所撰鷄林類事云日早晚為市皆婦人挈一柳箱一小升有六合為一刀以稗米定物之價而貿易之其他皆視此為價之高下

新羅炤智王十二年初開京師市肆以通四方之貨

智證王十年

原本係炤智王十二年今厘改

置東市典設官以監之

孝昭王四年置西南二市典置官如東市號三市典

文獻通考曰高麗使郭元言方午為市不用錢以布米貿易

高麗京市署掌勾檢市廛



顯宗五年三司奏物價騰踊麋布一疋直米八斗雖因歲稔奈穀賤何請量其輕重增損其價從之

肅宗七年制曰四民各專其業實為邦本今聞西京習俗不事商業民失其利留守官其奏差貨泉別監二貲日監市肆使商賈咸得懋遷之利

補明宗時禁賣雜米時市人以租雜米謂之雜米王令御史臺禁之

補時王珙為司徒邵城侯性貪鄙凡市物遣家奴占奪不與直雖至樵蕪菜果亦如之賣者或就索其直輒遭毆辱民多苦之樞密副使曹元正家奴



八市賣二死雉珙奴奪之元正誣告法官曰我家奴持犀帶二腰過市珙奴強奪請取還法官囚其奴拷掠甚酷奴誣服珙當並坐賂元正白銀六斤得免聞者雖疾元正之誣妄亦喜珙之挫辱也

○補熙宗四年改營大市左右長廊自廣化門至十字街凡一千八楹

忠烈王三年出榜令諸王百官以至庶民出米豆有差以充茶丘軍馬糧料時銀幣一斤直米五十餘石及張榜三日直米四十餘石聞茶丘還收其榜市價復高



補八年行米貨定價法都評議使司榜曰民生之本在米穀白金雖貴不救飢寒自今銀瓶一事折米京城十五六石外方十八九石京市署視歲豐歉定價九年監察司出榜舊例銀瓶直米二十石今改定十石又以市人不行貿易乃許復舊

補二十二年中贊致仕韓廉奏曰工商所以利用而厚生也今諸司所需皆取於市或抑其估或不給直商不勝其苦宜令有司禁之

補中贊洪子藩上書曰豪勢之家送人州郡將其貨幣強市民間請禁之又太府國贖等庫凡有



頒之物卽於京市求之雖云和賣實為強奪請禁之

忠肅王時鑄銀瓶雜以銅銀少銅多故官雖定價人皆不從

補七年遣十二徒官于諸道鬻布市米以無糧也歲以為常

辛禡七年京城物價踴貴商賈爭利崔瑩疾之凡市物令京市署評定物價識以稅印始許賣買無印識者將鉤脊筋殺之於是懸大鉤於署以示之市人震慄事竟不行



①補趙俊時務書云權勢之家競為互市貂皮松子人參蜂蜜黃蠟米豆之類無不徵歛自今抑買者一切禁之違者痛繩以法

本朝定宗元年始置市廛左右行廊八百餘間自惠政橋至于昌德宮洞口聚外方游手僧徒給糧役之仍使開川都監掌其事

平市署在中部堅平坊掌勾檢市廛平斗斛丈尺低昂物貨等事

曹伸曰牧隱錄婦言詩序曰至正己丑歲以五綜布五匹買絹一匹若鄉紬四十尺直布四匹



而已今則絹一匹直布七十匹細四十尺直布三十疋衣製安得如舊哉又云斗米青魚二十餘此可以見麗季物價之盛衰矣我邦成化初用卉布一疋買細一疋掇米八九斗米一升買青魚二十尾他物亦足資一兩日之饌距今四十年而買托裏細一疋則用五綜卉布至三四疋掇米未滿三四斗青魚兩束直米三四升一升米買饌不足於一餉奈之何能溫飽哉蓋升平百年生齒日繁衣食之者衆焉故耳

①補勝覽箕城郡海岸每春漁船四集打捕石首魚



販賣喧闐如京市謂之波市

補儒先錄彭年買田於廣州其友責之曰祿足代畊買田何為彭年即還賣之其時士習可知

補經國大典錄工匠等筭坐賈公廊之數藏於

曹工曹本道本邑收稅行商給路引收稅○田地家舍買賣限十五日牛馬則限五日

補宣祖朝鄭澈為都憲市人為之語曰唯李珥鄭澈二大夫之持憲獨無各司之橫歛云

補三十三年領議政李恒福劄曰庶民之中富商大賈為之頭首而因亂散處隨時占利以圖富足



而不思舊居者亦多有之我國之規如遇緩急凡  
所責辦專靠市民市民於公家所關如此而市肆  
空虛亦非細慮此皆無知下人非可以教諭而自  
來今宜行移外方京商之散處其地者一一摘發  
使還舊業守令如有慢不舉行者令平市署籍名  
尋問先治守令且奸民之亂市而不係市籍者亦  
令平市署束定市役則庶市民均役而市肆完實  
命訓局軍兵京居為市業者全減市役  
體察使李恒福啓曰國家凡有時急取辦一一分  
徵於市肆名曰貿易而實不給價名雖交易其實



歛之天將在城猶踵此弊各衙門徵責名目如  
牛毛而都監之官皆責於市民數年侵擾有難悉  
記今天兵已撤國葬垂畢宜令戶曹自今非不得  
已時需難以取辦於外方者外一切勿行公買雖  
有所買勿得待後給價劃卽準給其價且令平市  
署允所出役之事務令寬平勿得如前督責以示  
朝廷別加優恤之意又啓曰故事八路各官各有  
場市以便貿遷惟京畿不得濫設者意非偶然蓋  
京城為人民之都會而且是不耕不耘之地必待  
四方之委輸貨物流通而有所相藉京畿近京故



畿甸之民各以土產來京搜賈則庶京中畿甸相依為賴也經變以後京畿設場其數愈繁令京畿監司除開城府外一禁場市似宜

李暉光曰新羅太宗王朝時和歲豐布一疋直租三十石高麗恭愍朝京城飢大布一疋直米五升此東方盛衰之極也頃在宣廟朝癸巳甲午年間新經倭寇木綿一疋直米二升一馬價不過三四斗翌年丙申豐稔綿布一疋直米三四十斗豆則五六十斗

孝宗朝命軍兵市糴人成給市牌應市役五分之一



補十年掌令許穆上疏曰周禮曰以次叙分地而經市次者吏所治舍也叙者肆之行列也經者界也自官府之治以至市廛之叙自我太祖開國定都分界已別多亂以來庶事大壞列肆尤甚漢城府掌市廛之政令而恬然不拘檢使賈豎紛然爭利物價無制當今執法之治列肆辦物經市為先古人論治法亦曰一正朝廷次均田賦次經列肆然後修學校治軍旅此緩急先後之序也頃者臣首出此議按古事令列肆各從其叙一如國初舊制拘之以律令賈豎不樂反以為市肆易次物貨



不行物貨之不行賈人之急也彼揣摩時勢慢不  
畏法執不和賣反造言亂法以濟其欲情狀可惡  
如此古人有言盜憎主人民惡其上豈為爭利者  
之不樂而亦慢法而不舉也有司之治行法而民  
從之而已也律有把持行市專利者詐贓重者以  
盜論况貪利亡法不從令者乎

肅宗元年禁都監軍及精抄軍等坐市亂厘之弊  
二十三年嚴禁諸上司侵責市民之弊又禁科場應  
辦時侵虐市民之弊申嚴亂厘之禁

補四十六年知敦寧閔鎮遠達曰訓鍊都監以軍兵



手造之物勿侵亂廛事草記而昔在仁孝兩朝特軫  
陞戶炮手之資生無路其所手持者特令勿禁亂廛  
而結黨設肆者依他一體嚴禁矣今若以手造之物  
一併勿禁則凡干什物之亂賣者皆稱軍兵手造何  
以卞其虛實乎孝廟朝軍兵處成給市牌使應市役  
五分之一而今若給市牌則其弊必甚依前定奪手  
持小小之物則勿禁稱以手造者勿施何如今曰依  
為之

補景宗三年持平柳時模啓曰國之根本在於都民  
都民之中市民尤重凡其疾苦理宜優恤而疾苦之



事不一其端百各司各軍門及諸宮家私貿勒買之  
弊最為難堪故因前後屢人訴寃朝家申禁非止一  
再而駸駸解弛猶夫前日甚至減半折直經年給價  
而所入之價又入吏輩宮屬之手各屬之人殆不能  
支吾將不免破市而逃散其在軫民隱祛弊瘼之道  
宜有更加申飭之舉請令平市署逐朔現告於備邊  
司如有復踵前習者當該官員及宗班罷職下吏宮  
屬曰禁科罪從之

英宗七年脩邊司啓平市署之設乃所以平準物價  
適輕適重而近來牟利輩任意低昂於鑄錢命下之



後托以錢賤米貴刁蹬無節必須較量今年年事自  
官稍加裁定然後貴不至於太貴賤不至於太賤而  
民不受其弊矣今以錢一兩米三斗定直而亦不可  
以一例硬定雖或隨時升降小不下於二斗五升物情  
皆以為便以此定制使之限明年麥秋之前施行既設  
此令之後駟僮之類必有小其升斗用詐買賣之弊市用小斗  
自有其律自平市署烙給官定升斗以此行用上允之  
十七年令京兆區別廛名大小物種緊歇禁市廛外  
都庫操縱市直者亦令嚴禁痛斷

⑦補備局啓曰特進官李普赫備陳亂廛之弊仍以



自備局取考市案十年內新狃小小廛名一併革  
罷事為請近來亂廛之弊誠為難處禁之則都民  
無所措手不禁則廛人失業一審查正有不可已  
今京兆區別廛名大小物種緊歇大且緊者則一  
切嚴禁小且歇者則勿禁而亦令廛人毋得捉告  
事稟報廟堂成節目施行何如荅曰允

十九年備邊司啓曰諸官家各衙門私貿易之弊自  
先朝連有禁令蓋市物不可不準價和買而所謂私  
貿易則或減價勒買或稱賒貸不卽給價其弊日以  
益甚豪勢之家視若外庫私門酷杖奪為事國家



置平市署者欲以糾察此弊使市民得以安保而今  
乃全然尸職殊無掌市之本意別般摘發論罪嚴加  
懲礪上允之

續大典 市價刁蹬者斗升不準式者用木礪惡米  
者稱以賒貸勒買厘人者不係厘案而亂厘者並禁  
斷

補續大典 奴婢買賣後逃亡者限二周年田地家  
舍買賣雖十五日限內呈狀而過三十日不就訟者  
勿聽○驛馬買賣以三朔為限○退賭地買賣以十  
年為限滿十年則無價還退五年以後則半價還退



若準本價則雖一二年亦許還退

①補二十七年判尹洪象漢巡啓職掌中亂屢一事最為難處若弛禁則市民失業若嚴禁則小民無以措手足故自本府不為出禁分付五部使之知委禁斷矣此亦有弊端終無善處之道今平市署釐正市案如六矣屢等大屢嚴其亂屢之法其他雜屢並勿禁則市民小民似為兩便矣兵判方帶平市署提調而八侍使之徃復京兆商確就議廟堂成節目啓定式施行何如上曰問于大臣消詳定式可也

二十八年下教曰內司五宮有賒貸市民事云噫市



民生涯若環之輪買賣不定價何以賴活其令度支  
詳問償焉此後復或若此者當該中官施以制書有  
違之律以此嚴飭至於軍門與受之際貽弊市民者  
多令備局嚴加申飭

二十九年下教曰特召貢市人問其民瘼命諸堂特  
為釐正承命諸臣豈不盡心其中二人差貢市勾管  
堂上檢察而若或有闕依各道勾管堂上例代差仍  
成節目嚴禁軍門軍卒勢家豪奴之亂屢又禁官房  
上司軍門之私貿易葦罷諸上司闕內各司直行公  
帖於平市署之弊又罷京兆勒令屢人捉納亂屢之



# 弊

①補節目其論市弊條曰大抵市弊有四焉各軍門  
軍卒有勢家豪奴之亂廛一也官房上司軍門私  
貿易一也諸上司闕內各司直捧甘一也京兆勒  
令廛人捉納亂廛一也亂廛則嚴飭京兆各別禁  
斷私貿易則四官三房排進外皆令給價買用直  
捧甘則分付平市一切勿施至於京兆之勒令廛  
人捉納亂廛只為徵贖殊極寒心卽令革罷而若  
無科禁難以遵行故以罪官負治吏隸之意逐條  
嚴斷



①補三十二年教曰貴則流賤則藏乃常平之正法也而末世不然賤者流貴者藏利歸府庫自嗣服後申飭者卽此也而大抵都下其若米貴則賣米與貢下卽流米之意若此都下之米市民或買貢人亦賣其米自可流行於國中之意也賣米意亦若此貢下之價官府勒定則其於賣米亦為逐戶勒定乎既下之後貢人卽主人朝廷非所與聞而今則反有弊焉斗升高下徹於朝廷此非堂堂為國之道所謂過動者意亦在焉凡貨權盛世在於上衰世在於下尋常慨歎者其若紀綱樹國令行以沙為錢民可從也而米廩



則不然一陰一陽一雨一旱霎時之間任自低昂其  
若一日之雨為霖兩一日之旱為大旱則市直之下  
天使之然也雖人君難以弛張而若干之旱舊儲之  
穀其豈頓無而直下半日之霽穀不行也則誰能神  
運而直高此無他陰陽之權在於米廩故也此弊何  
以知之頃者廩人之不遵國令至有景示之請而乃  
知也因風臭載非徒惜米寔由否德霎時合冰稅船  
中留此亦因否德時氣不調之致而昨日合冰今朝  
直下此廩人之操縱一直之下都下嗷嗷此民心之  
易動而在上者不能鎮之一令之下事歸屑越貢人



受弊為今之道不若靜以鎮之貢下之際從貴上下  
流於國中而若是流行之後屢人猶執其權恣意操  
縱令該署報備局隨現輕者嚴刑重者刑流俾渠輩  
勿復操縱市權

三十五年下教曰貢市人弊屢正意蓋為都民蓋都  
民非市民則貢人以三江御史所奏觀之有不遵者  
其令釐正堂上即為查問若是下教之後不遵令者  
雖是制書有違之律焉敢辭也

補三十六年下教曰此後凡亂屢依法徵贖物件勿  
為贖公事京兆平市奉承傳行

④補四十年傳曰為市民不可不嚴禁亂厘市民之藉  
重侵民亦不可不禁頃者訓局軍市民事觀之可知  
蓄其物而私賣卽亂厘手持物而轉賣亦亂厘此則  
惟在平市提調京兆秋曹堂上之審不審察不察此  
則令備局另加嚴飭因此而思心有矜惻者或為親  
藥餌難辦其價持綿布之屬買藥于舖以此謂亂厘  
捉以拘留則想象其時光景不忍于心此後若有此  
等之弊該署該曹該府堂卽當重繩噫事雖微此亦  
孝理之一道為先嚴飭

④補又下教曰噫幾年都民痼弊其雖除矣今番乃聞



其所亂屢非徒都下江郊至於外方云聞極寒心捕  
廳窺伺何等重也而外方亦有嚴禁則亂屢之弊一  
至於此哉大抵此弊近者特甚昔則街上有呼賣之  
聲今則無云噫都城之內地濶幾十里近屢所居者  
雖非難也其於窮巷都民賴食專由乎此况鄉民其  
不能自修農業者及且無恒產者得一物而轉賣卽  
亦古例而若是操縱京鄉小民豈不受困乎噫不惜  
數千官貨快除其弊此後至外方而亂屢者令道臣  
隨現嚴刑以示懲礪事抄啓於節目中

○補領議政洪鳳漢啓曰近來小民難支之弊都庫與

契房也所謂都庫都聚物貨專其利孔百種盡歸一處他民不得措手所謂契房官屬各有締結之面作為私窟軍役及雜役舉皆防給至使他面之民替受橫徵混侵之弊呼冤流散罔有紀極蓋都庫甚於京而外方亦然契房甚於外而京中亦然必也嚴立科條痛加禁斷如有復踵前習京外不禁之當該官負隨現重繩犯者嚴刑定配從之

四十五年下特教嚴禁市廛買大斗賣小斗之弊

補英宗五年傳曰前以都民休戚專係貢市人有所提教蓋此市民弊瘼曰亂廛也中都庫也種種此等



名色奚特難支之大端設法痛禁自有國朝典則而  
官長不修職務胥隸惟事誅求干謁滋甚貨賄公行  
所謂清司等是蔑如莫曰俗弊之漸痼粹難釐革也為  
官長者苟能祛私奉公民可奠業弊可去甚觀於  
今番現發二三事而餘足推知法司官吏不飭之罪  
姑此寬貰者意在屬之既往責其來後如有現發隨  
卽嚴勘斷不可已以此傳教書揭壁上惕念遵此舉  
行

①補六年備局啓辭景慕宮坊契新八民戶必須別般  
顧恤可期永奠廟堂雜儀以聞事命下矣依傳教招

問新八魚物屢民人等所願則以為揚州樓院店幕  
昂魚商往來要害之處也本屢八來魚物所謂店漢  
一併都執名曰乾房內以締結中都兒外以符同松  
坡場絡繹分送以作通貨之門一世魚利都歸操縱  
致令本屢之民不得應國役而資生業此而不足將  
設無前之場市以為權利之妙計分付畿管嚴法禁  
斷云矣大抵樓院店民之處於東北要路盡奪往來  
魚利致使屢民失業呼冤故前後闕飭非止一再以  
至刑配之境而少無懲畏恣意橫占事之駭痛莫此  
為甚今此新八募民別般顧恤之方特教詢咨若是



懇至其在仰體之道宜有另加之舉樓院店乾房名  
色為先一併革罷此後如有犯者各別嚴刑定配事  
發關分付於畿營嚴立科條中都兒之禁令本自至  
嚴奸民之不悛舊習潛自抑執亦極狡惡一体依禁  
令照律嚴繩之意捧甘知委於漢城府及平市署何  
如荅曰允亂屢之弊為市民難支之端朝家既聞之  
後不可不嚴法重治而至於都執勒奪等種種所犯  
又是尤無良之徒此而尋常處分流弊豈可勝言况  
本屢設立最久應役煩多朝家顧恤不但與他自別  
今番募八以後另施固存之政然後可期莫業且聞

近來本屬物種無論公私需用漸就絕無之域者誠  
非細故朝家旣權魚麗之利反啓龍斷之俗屬民之  
疥痒若越人之視秦瘡尚可曰愛民乎哉以先朝乙  
未處分後本司闕辭觀之有以仰飭教之申嚴到今  
若不別般修明幾何而將至無實之歸今日以前屬  
之申令前事所謂樓院作挈民人姑不處分法外各  
色卽令革罷後復有冒法之事不飭之監司斗護之  
地方官難免重勘以此嚴關行會畿營

補侍讀官黃梓逖啓山海之利蓋有收稅之規而延  
來外邑稱以賑資補用必收場稅而小邑小場不過



五六十人所會之地猶此且收稅此豈盡入於賑資  
半歸私用小民甚可矜也上曰向時有以此事言之者  
今儒臣之言又如此凡山澤之利猶可收之而至於  
場稅甚為不可雖因賑民而取之場市之民亦同是  
民也比於父之愛衆子豈有彼此之殊也此後則一  
切禁斷事分付於該道可也

補八年備局啓辭以錢荒太甚賑恤廳錢四萬三  
千兩內需司錢一萬兩訓練都監錢一萬兩禁衛  
營錢三萬兩御營廳錢四萬兩守御廳錢六千兩  
總戎廳錢一萬四千兩合十五萬三千兩內賑恤

廳錢四萬三千兩以買銅價先為上下訓諫都監  
錢一萬兩合數留付本局使三分給於各色軍兵  
禁衛營錢三萬兩中一萬兩除置本營而五千兩  
從便搜買五千兩分俵軍兵御營廳錢四萬兩中  
二千兩除置本營分俵軍兵其外都數合為八萬  
八千兩內一萬兩散給於減分貢人處七萬八千  
兩散給於各廩貢人處各其名下數久衙門區別  
磨鍊成別算以八之意敢啓

京城市廩

有分各廩

以各廩中稍實者量逐分數以應國役桶  
有分各廩自十分至一分凡三十七廩每



當國役十分應十分役一分應一分役關綰應

內外諸上司各處修理奎荷軍亦依此出役

賣匹緞俗稱立綿布應木應銀子或稱銀綿細應

役八內魚物應青布應內魚物應國役五分青布

分紙應國役分芋布應應國用六分○以上六應稱

布應國役烟草應應國役外魚物應應國役床應

十三歲賣馬尾皮物燭蜜鄉絲等雜物望門床應

床應青進床應各應國役一分布床應鐵床應筆床

應南門床應監床應貞陵洞床應九里峴床應紙床

應并無分俗生鮮應應國役米應五歲應上下米應各

稱箱賞利應

門外米應應國役二分西雜穀應應國役鎗光應應

江米應麻浦米應并無分

役二銀應國役衣應國役綿子應國役履應

應國役  
二 分  
樺皮屨  
賣各樣彩色等  
苜蓿屨  
應國役  
一分  
真絲

屨  
應國役  
一分  
清蜜屨  
應國役  
一分  
京鹽屨  
應國役  
一分  
髡髡屨  
應國役

役  
一分  
內長木屨  
應國役  
一分  
鐵物屨  
應國役  
一分  
烟竹屨  
應國役  
一分

分  
匙箸屨二處  
內外各應  
一分  
牛屨  
應國役  
一分  
馬屨  
應國役  
一分

以上四十一屨  
內十屨無分餘三十一  
屨并上六注此屨為三十七屨矣

無分各屨  
外長木屨  
菜蔬屨  
毛屨  
賣實  
六處  
松岷

貞陵洞毛屨  
門外毛屨  
上毛屨  
下毛屨  
典毛屨  
惠政橋雜屨  
貫物屨  
京臺屨

雜鐵屨  
鹽屨  
白糖屨  
鷄兒屨  
卜馬諸具屨  
內貫器屨

繩鞋屨  
上下木器屨  
銓屨  
白笠屨  
草笠屨  
黑笠屨  
外

貫器屨  
佐飯屨  
四處  
生鮮佐飯屨  
上米佐飯屨  
內  
魚物佐飯屨  
外魚物佐飯屨  
針



子屨粉屨二處

內外各一

簇頭里屨

賣婦女首飾

生雉屨網巾

屨內韁笠屨外韁

笠屨藁草屨履底屨龍山柴木屨

猪屨笆子屨麻浦鹽屨蛤灰屨箭簇屨刀子屨鹽水

屨種子屨南門外鹽屨

此外小小各屨各色甚煩不為盡錄○屨案所無稀用之

物當國用自平市署分定實納於六注此屨價本之落本無分各屨分排添價

附鄉市

補高麗肅宗以西京習俗不事商業民失其利乃差

貨泉別監二貲使日監市肆市商賈咸得買遷

補本朝南孝溫令詒曰嶺東民俗每於三四五月

中擇日迎巫以祭山神富者馱載貧者負戴陳於

鬼席吹笙鼓瑟連三日醉飽然後下家始與人買  
賣不祭則尺布不得與人

⑨顯宗七年備局啓曰溫泉近邑民人等自舉動之  
前設場市於此處允現有無主客相資於公於私甚  
為便益而但有藉勢橫奪之弊則遠外迷氓必將  
駭散恐咨回茲而起今御營大將柳赫然專管禁戢  
上自掖隸下至諸各司下人官家士夫率奴等如有  
橫奪一物而現發者則即於軍前從重決罪且京城  
之民或有下來設肆隴斷者云亦令摘發其中尤甚  
專利自私者治罪宜當從之



補英宗二年下教曰楚王殷昂偏邦一凡主而以不  
征商旅之故四方之商旅輻湊以至國以富饒其效可  
見矣孟子曰關市譏而不征以此見之商賈之類不  
可徵稅故日昨以工曹事申飭矣近來年利之輩多  
有上言之事如此上書拔去之意頃已下教而各衙  
門亦有此等貽弊之事則日昨舉條中添入以出各  
別申飭可也叅贊官李挺周曰工曹事適在京江大  
臣聞知故有所仰達而沿海徵稅之弊外方尤甚各  
軍門諸宮家及營本官收稅之道極其紛紜船人失  
利多有怨咨之端亦宜申飭以除其弊侍讀官權禎

曰各邑場稅之弊有此革罷之命大抵場稅終為聚  
歛之歸上曰此予所以欲罷者也罷此之後列邑之  
難支果如安城之所報則場市革罷之邑非止一二  
而何無一處論報獨安城如此耶陵寢諸役支初凡  
需皆須於此而不以貢出於民間則固好矣而其間  
亦安知無憑公營私之弊場市之民亦民也若或為  
其所用之不足徵歛不已則不如革罷之為便矣安  
城之獨為歸重於陵役勑需必欲不罷者亦涉殊常  
矣洪欽中曰黃州牧使元命龜全州判官李秉鼎俱  
是有地望守宰故以請仍場稅為嫌姑不論報荅門



而非以革罷為便好故也上曰雖無場稅豈無推移之道乎果如所報若或一分有益於民間則宜有變通之道既罷旋仍雖有銷刻之嫌亦何拘於此也然而不可以一郡之所報遽爾還寢自廟堂分付各道使之備陳其因革便否以為更稟之地可也不但船稅為然至於外方場市亦皆有徵稅之事此事雖甚微瑣其為生民之害則甚矣臣以為此亦不可不各別嚴飭可也上曰此事曾已申飭而所謂外方場稅尤為恠駭各別申飭可也

補三年左議政洪致中憲啓安城郡守徐宗集文報

以場稅革罷後民弊事有此狀聞頃以儒臣陳達并  
罷諸道場稅而場稅之捧亦非邑倖私用也陵寢之  
役供勅之需之不責於民皆以此稅補用矣今若罷  
此則陵役勅需所之役勢將徵捧於民間其為民弊  
有不可勝言云非特安城一邑有此事如海西之黃  
州湖南之全州湖西之恩津皆有場稅收捧之規而  
其所需用多歸於官家之公費若以闕市譏而不征  
之義言之儒臣之請罷聖上之嘉納固為美事而今  
若罷此則終為歛民之端是故古昔先輩之謀國政  
流來舊規之難於蠲罷者蓋慮有後弊也聞外方場



稅徵納之規一人一駄受錢一葉云一葉之錢有何  
所損於商賈而其有關於官家則多矣此後科外徵  
稅之類則宜加禁節而自前所捧之場稅則仍存勿  
罷似好備局諸臣之意亦如此矣上從之

○補七年回全羅監司李壽沆啓狀請復全州場稅兵  
曹判書金在魯曰臣頃年適見朝報則儒臣有回文  
義而請罷場稅者臣私自以為此必由於關市不征  
之說而至如黃州安城等場稅以其巨場之故一月  
六次場稅自至數多而場民所出則至小不以為苦  
其補用於民役則甚緊今若猝然盡罷必有欠闕處捧

之不見為弊不捧反有所生弊矣刑曹判書尹游曰  
國中場市收稅處無多不過安城全州黃州恩津等  
處而其所受稅不過負販者徵一文載貨者徵二文  
而如全州是大都會故厥數頻多秋冬則尤多而此  
非守令所多用以李壽沆狀辭觀之以此設立馬廳  
以應進上及公行立馬之役云今若仍罷此等繇役  
皆將徵出於民結壽沆之所以請復似亦由此也吏  
曹判書宋寅明日場稅事誠如金在魯之言閔市不  
征乃三代事當此末世豈能盡行三代事乎清人之  
法民賦至輕而以各處商賈稅銀能致富強誠以商



賈樂求其所欲不難於些少之稅而國用自裕害不  
及民可謂知生財之要者矣上曰此不特由於譏而  
不征之說也場稅終是名不正以一湖南伯之狀  
罷還復事涉顛倒且似斑駁自廟堂詢問諸道不可  
不復處復之可也

補三十一年年平市提調洪象漢所啓京中奸細之輩  
與松坡所居游手之徒締結作黨收聚各種物貨大  
開場市誘引三南及東北商賈資意買賣一以避亂  
屢之推搡一以集市民之本業以此之故京中各屢  
去益失利釐正廳革罷時嚴禁之意成節目其後備

局屢次闕飭而廣州終不奉行法令之不行此亦可  
見卽為革罷之意令備局更為各別嚴飭何如上曰  
依為之金尚魯

時左議政

所達此廣州留守徐命彬之狀

達也以為松坡場市目平市提調洪象漢所達有革  
罷之命而松坡卽保障要津也今以京市之失利而  
輒罷津邊場市則為合居民舉有漫散之慮請令廟  
堂稟處矣松坡之為重地果如守臣所論而外方所  
謂場市不過一月六次元無逐日列肆如京市之為  
則在國家一視之道京外之民一也豈可以京屢之  
些少失利遽禁鄉外既設之場市乎臣意則勿罷為



宜司直金聖應曰場市之設京鄉無異而昨年南漢  
巡審之路適見松坡民居既多不可無場而今若初  
始則雖或可禁既設之後豈以京市之失利罷之一  
依大臣所奏仍置似好矣判尹李昌諷曰近郊場市  
非獨松坡一處其在一視京外之道不必遽罷云者  
誠如大臣所達而近來亂屢之類聚會權利於此處  
使京市失利之弊比他場市尤甚故重臣之陳達請  
罷蓋由於此也向來釐正設廳之時臣既與同輩罷  
之議今於俯詢之下別無可以更達者矣兵曹判書  
洪象漢曰近境場市如沙平廣津樓院黔巖等處四

面羅列而京中市民少無欲罷之意蓋一月六次交易而已元無貽弊京中之故也至於松坡居民輩締結京外中都兒輩及亂屢之類誘引三南及北道嶺東商賈皆聚會於此而京人之以亂賣為業畏禁吏者亦徃於此名雖一月六次而實則積置各屢物種於村中日日買賣以致京市之歲漸失利若不罷此場則京市無以為業故再昨午市弊釐正時諸堂備陳此弊自大朝特命罷之向者守臣以勿罷之意報備局則備局亦勿施大抵事狀如此松坡之場其設不久而為弊則近來益甚臣之請罷者非以一時平



市提調之故也。市民利病斷斷如此矣。司直韓翼暮  
曰：臣意則異於諸臣。市民之逐利買賣者，各有自然  
之勢，有不可設法而禁制者。朝家軫念市民，或有亂  
屢之禁，細民以之失業。如臣淺見，終未知其好矣。市  
上百物無非自外方來者，今以牛屢之失利，欲罷松  
坡之場，環京城百里之內買賣百物者，皆用此例而  
禁之乎？事出為市民權利，其在一視京外之道，終似  
如何矣。副提調金致仁曰：平市提調為市民之言，無  
恠其如此。而自國家視之，則均是民也，豈可以京民  
之失利禁鄉民之生業乎？雖曰釐正時所罷果係不

可罷之事則不必以此為拘朝家當視大體而已臣  
意則與大臣所奏同矣尚魯曰諸堂之言各有所見  
而京則開廛肆鄉則設場市買遷有無各資生業所  
謂自然之理者誠如韓翼蒼所達且近京之諸場市  
既不得并禁則何必獨罷松坡乎依守臣狀請仍前  
置之恐宜矣令曰一場市事稟于大朝事涉煩屑若  
為市民弊瘼而罷之則雖小事有難變通大朝八侍  
時稟處可也

補三十四年廣州留守李喆輔送啓松坡係是保障  
要津設鎮設倉又置牙兵以備緩急其緊重如此而



鎮軍與募民輩貪殘忒甚無以聊賴故故判書臣閔  
鎮厚為守禦使時初設此場以為募聚人民之地意  
非偶然頃在甲戌平市提調洪象漢因屢民所訴以  
松坡場市革罷事陳達允下其時留守徐命彬以不  
可革罷之意狀聞則左相於遜中以依狀請勿罷之  
意陳達而工判於其時同為八侍亦以不可罷之意  
陳達遂得不罷此場市之闕重於松坡可知雖以大  
體言之勿論京外俱是國家之民則以京市之失利  
輒罷鄉民之場市恐非一視之道至於移設事則所  
謂移設云云之處距松坡為十里地松坡之民無路

蒙利僅僅鳩聚之民將至於湮散之境豈不可惜乎

勿論革罷與移設臣意則決知其不便矣金尚魯

時左

議政

曰凡事利害臣未之酌知而當初設場既為倉舍

其來已久且八方牛隻之聚於京者固多歧路不獨松坡一路而已此場市之罷不罷於京屢似無大關係依前仍置恐宜矣上曰依前勿罷可也

附 外邑場市

江都川橋

二〇鄉外開市例用一六二七三八四九  
五十今於初一初六十一十六二十一二十二

十六開六市者只書一守初二初七十一十二十七二十  
二二十七開六市者只書二字三八則書三字四九

則書四字五十則書五守省守也有異例者  
則別識之〇松都則市例與京同故無所錄



京畿廣州城內 二慶安 三細皮川 一德豐 四松坡 五

沙平 二樂生 三崑池巖 四八谷 五楊州加羅非 三

東道川 五新川 二古州內 五大灘 四北道川 一仇谷

一坡州邑內 一奉日川 二梨川 三廣灘 四長坡 四

○驪州邑內 一清安里 一○邑誌 億億橋 一大旺 四

邑誌作 曲水 四○水原邑內 一安中 一吾朶 一石峴

二鰲山 三新機 四沙瑟串 四八谷 五○南陽邑內 二

鳩浦 一機池 四○富平收灘 三○邑誌 發阿峴 三(補)

新基 二○豐德邑內 三蟹巖 二十鷹 四○竹山邑內

四排觀 三○邑誌 注川 三○仁川筍巖 四蛇川 一○

利川邑內二郡良

五〇邑誌云今無

○通津吾羅里二元通

四○長湍邑內三沙川一古良浦二院隅四○高陽

已浦三沙厓一新院里四○安山防箒頭二山岱三

○麻田榆林津三○楊葛根山一佐谷二迷源二沙

灘三牛川四上潯五○朔寧邑內四水旆時二時郁

五石橋三○金浦新場一清川五○抱川邑內三松

隅四○杵川邑內五○陽川於溫洞五〇邑誌作五日三開市

陰竹長海院四尾院二○連川邑內一軍營四○龍

仁邑內二金良五道村一○陽城邑內四素沙五

振威邑內二九巨里四○果川邑內一軍浦川三露



梁四 ○積城笠巖里四 斗日里五 ○砥市邑內二 邑誌

八作三 申水四 釜淵三 老音坪一 ○安城邑內二 ○喬

梧城內五 ○加平邑內五

忠清道公州邑內一 敬天二 銅川四 維鳩三 廣程五

毛老院二 大橋三 甘城四 儒城五 艾川四 大田二 利

仁五 旺津四 乾坪一 ○蕪收邑內二 ○定山邑內二

治城五 ○原本作五 邑誌云已亥自五山移設 ○藍浦大川四 ○禮山

邑內五 新禮院三 駢城四 補立石二 ○文義新村一

○大興邑內二 光時五 新陽四 ○石城邑內二 邑誌二五 開

市 ○扶餘邑內三 恩山一 ○恩津邑內一 楮橋二 論

山三 江景四 ○懷德新灘三 ○楊州五 ○舒川邑内

二吉山四 大棗五 ○洪州邑内一 野山二 驛場三 廿峙

一大橋三 芮田四 巨山五 ○青陽邑内四 高亭一

鼇山二 ○林川邑内四 南塘三 ○稷山邑内一 新場

四○邑誌 安仲四 ○木川邑内四 并川一 ○保寧邑

作笠匠 内一 水營二 大川三 舟橋五 ○德山邑内二 峰蹤四

柳橋一 大川三 ○清州南石橋二 新場四 渡橋五 梧

根三 長命二 鳥致院四 周崖五 米院四 青川六 ○瑞

山邑内二 開市四 月十 翠五 介一 ○邑誌 方吉五 坪村三

場門一 ○永同邑内二 龍山五 ○海美邑内五 大橋



三餘美 一 井浦 五 ○ 結城邑内 二 龍川 三〇邑誌 廣

川 四 ○ 清安鎮巖 四 潘灘 一 ○ 沃川邑内 二 增若 四

舟巖 五 利山 一 陽山 三 ○ 鎮岑邑内 三 ○ 全義柳巖

岐 一 ○ 鎮川邑内 二 長楊 五 廣惠院 三 閑川 一 ○ 汚

川邑内 二 五日十 鳴五里 二〇邑誌 新場 一〇邑誌

○ 玉場 一 ○ 南倉 一 機池 一 三日十 ○ 唐津邑内 〇 五

邑誌作十 三巨里 二 四月十二 開市 ○ 天安邑内 三

豐世里 四 ○ 新昌邑内 二 仙掌 四 ○ 韓山邑内 一 新

場 三 ○ 連山邑内 三 豆腐 一 沙橋 五 ○ 溫陽邑内 一

立石 二 ○ 懷仁邑内 四 斗山 三 ○ 提川邑内 二 倉里

一○泰安邑內三五月十○槐山邑內三○延豐邑

內二水田一○黃潤邑內一屯德二池川三○平澤

邑內三○鴻山邑內二馬井一老隱峙三邑誌臨

水臺一栗峙五○忠州邑內二日十二新塘三南倉

四內倉三大石院五可興五龍安三牛目一無極五

○庇仁邑內三鍾川一板橋五○報恩邑內五元巖

二館基一馬老四○陰城邑內二○牙山邑內四要

路院五○青山酒城二○清風邑內一水山三邑誌作四

九○安陰三○丹陽邑內五覓浦三○永春邑內四

任縣一



全羅道全州府南府西西大市府南二月三開府北

府東兩開市府北四月三開峰上五〇邑誌所陽〇

邑誌作三八仁川二叁禮三沃野四利城一伊城一〇金

堤邑內二嚴木五才南三禾橋五院基一〇礪山邑

內一〇錦山邑內二大谷四濟原一〇珍山邑內一

西面五東面三〇井邑邑內二川院一〇臨坡邑內

二日雲一西施浦四〇益山邑內二會花五〇古阜

邑內一卯山五斗地三〇萬頃邑內四〇光陽邑內

一玉谷四〇昌平邑內一三支川四月三開市〇龍潭竹

川四〇金溝邑內三從政一〇潭陽北門外二西門

外四三支川

開市 八日三

○鎮安邑內

五馬靈三

○同福

邑內一方石

二沙平

五藍站

八○和順邑內

三○興

陽邑內四竹川

二加木

三過驛

五道陽

開市 七日三油屯

一○海南邑內

五山一姪巖

開市 六日三黃原南利

三水

營四牧場五茶山籠巖

開市 一日三

花山船倉

開市 八日三銀

所龍堂

開市 四日三

○龍安菰浦

二○咸平邑內

二望雲

一蟬峙三羅山

四沙川

五○長興邑內

二古邑面

大興面

開市 四日三有恥面

安壤面

五水門浦

一長東

面十六富平面

開市 一日三

熊峙面

開市 三月三

川浦面

二○順

天邑內

二水營

四石堡

五捉馬亭

三省生院

四防等



頭一海倉三九萬五白鵝四鎔院三富有二木谷一

道古介三○泰仁邑內五龍頭一古縣內三甘山三

嚴地四○沃溝邑內三京浦五地境一○南平邑內

一大草三○興德石橋二卧石四高敞邑內三○茂

長邑內一鉢山二鞍子山三甲村四古縣五○務安

邑內五南倉一公須三長松四○求禮邑內三○

谷城邑內三石谷三○雲峰邑內五引月三○任實

邑內一月三開市獨驕院六月三開市烏院四九鼻五葛簞二

良發里三○長水邑內五長溪一翫景二松灘二○

靈巖東門外三五日十開市犢川四雙橋八松肯十日三開市

○靈光邑內一城外三九岫五元山二佛甲八大安

七日三開市杜倉一○珍島義新面二日三開市古郡內面五日

三開市牧場面七日三開市○樂安邑內二斷橋四○淳昌

邑內一燕山八三峙三綠沙五避老里二○茂州邑

內一茂豐四所川二安城五○寶城牛幕二東門外

五福城四可田二旗亭三雋城三〇邑誌海倉一○

羅州昌屹五龍頭二都馬橋四〇邑誌朴山三七都也

一南倉二大山一陰山一仙巖八日三開市接衣一草洞

三邑內二南門四○光州邑大二邑小四西倉五大

峙三新場五仙巖二日三開市○綾州邑內五李陽院四



○南原邑內四契樹二阿山三山洞五礮巖一東花

三○長城邑內二乘駕馬一黃龍四介川五德峙九

○咸悅邑內三黃登五○扶安邑內二申峙一東津

三客舍外四四巨里五栗地八日三開市胡峙九日三開市養

田浦十日三開市○康津邑內二五九日開市錦川十四日古邑七

七良六日二白道七三寶巖一古郡內三六八日○

玉果邑內八四興福亭一○高山縣西四

慶尚道慶州邑內二沙正四沙坪一鈎魚三下西四

於日五毛良三乾川五阿火一義谷四蘆谷五仍甫

三安康四達城三杞溪三赤火谷一仁庇一土城一

竹長 三連貨 五立石 四 ○安東邑內 二 新塘 四 山下

里 五 鞭巷 五 美質 一 豐山 二 瓮泉 三 龜尾 六 獐洞 六

市 三 開乃城 七日 才山 五 ○義城邑內 二 下川 四 八點

谷 四 佳音 一日 三山雲 六日 三舍谷 五 氷山 三 羽谷

一安平 五 ○慶山邑內 五 礪野 一 ○邑誌 礪野月 ○南海邑

內 四 ○開寧邑內 二 ○邑誌 梨水川 三 ○宜寧邑內

三 ○邑誌 寶林 四 ○河陽邑內 四 ○陝川邑內 三 右

爐 二 陶谷 四 勸賓 五 中麻 五 ○金山邑內 四 金泉 五

牙山 二 秋風 四 ○盈德邑內 二 植栗 五 長沙 四 ○固

城邑內 一 背屯 四 ○居昌邑內 一 ○邑誌 騰川 卷武堂 三



加祚四 ○清道邑內五 山城一 省峴三 陽院四 仇佐

四 大田二 大川五 葛旨一 東倉二 榆川四 ○草溪邑

內五 栗津一 ○永川邑內二 墨石三 ○醴泉邑內一

甫通九 洛川五 信雲三 ○邑誌無此 北面一 柳等川四 ○誌

無此 蘓野三 ○邑誌無此 龍宮邑內二 華陰三 知保一

○奉化邑內五 ○清河邑內五 松羅三 ○彥陽邑內

二 ○柳木亭四 ○恭原邑內三 于浦二 ○鎮海邑內

九日 三古縣七日 三場基四日 三倉浦二日 三真

寶邑內二 ○志誌作三八 ○聞慶邑內二 鎮南一 戶南三 幽

谷二 加恩三 龍巖五 松面四 ○咸昌邑內一 四月二 開市

南面三柳巖二○知禮邑內二南面五○安義邑內

二古縣五道川三○大邱邑內四○補南門外四花園

三縣內五無怠四○百安五○邑誌凡於四梧桐院四

豐角四解顏五○蔚山邑內五大峴一內廂二浦項

二城隍堂三公須串三西倉四○金海邑內二新文

三雪倉四省法五盤松五○星州邑內二新場五大

橋四茂溪一安偃三泉坪一○豐基邑內三前邱五

○邑誌今無永定五殷豐四○梁山邑內一甘同三黃山

五龍塘三○咸安平林一放牧三方北四○邑誌○

順興邑內十六鵝谷四日三甘谷一月三○河東豆置



二〇邑誌

辰橋

三月三  
開市

花開

一船橋

五橫浦

三

補峙

院四

〇咸陽邑

內二

介坪

五沙斤

四馬川

四

〇玉女

市五

〇巨濟邑

內四

河清

一鵝洲

二

〇高靈邑

內四

補安林

一

〇玄風邑

內二

車川

五七〇邑誌作五七

〇山清邑

內一生林

九三

〇丹城邑

內八二

道川

五丹溪

四立石

一

〇軍威邑

內二

孝靈

三花谷

一

〇義興邑

內五

薪院

一

〇新寧邑

內三

古縣

五黃池院

一

〇泗川邑

內九五

八場市

八月三

新場

三月三

〇機張邑

內五

佐村

四

〇三嘉邑

內二

古縣

四

〇比安邑

內二

安溪

一

〇熊

川邑

內四

夫神堂

二

古音浦

一

豐德浦

三

〇慈仁邑

內三○英陽邑內四禮安邑內二陶洞一延川三九

○延日邑內三○邑誌作生肯鋪市十日三浦項一○長髻

邑內一大村谷四○靈山邑內五乾川一道興二○

昌寧大見三燕巖四○東萊邑內二左水營五釜山

四禿肯一○善山邑內二海平四龜尾一壯川五○

仁同邑內四大橋二若木三○恭谷南倉四牛巖一

八莒五上放三梅院一○寧海邑內二石保三○密

陽邑內二城外五八風三三浪一守山三水安一○

青松邑內四東谷三川邊五和睦四○邑誌作和月○滌川

邑內二盤邱四○興海邑內二余川四○昌原邑內



二自如一馬山五新川

四〇原本作新村邑誌云自新村移設

〔補〕安民

一〔補〕毛三三〇尚州邑内二北川四浴東四丹密三

功成一長蚣三中年四〇原本作中年鐵谷二化庫三銀尺

四浴原五三灘三山陽五〇晉州邑内二召村三班

城三漕倉一末文四日三開市昌善二馬洞九水谷二〇邑誌

作二德山四北倉四安潤三〇昆陽邑内五辰橋七日

三開市

江原道原州邑内二安昌五興原倉三窟破五酒泉

三〇平昌邑内五味谷面三〇邑誌東面四〇邑誌

〇淮陽邑内三新安二〇春川邑内二北中面一〇

旌善邑內四東面一作畫巖市南面二〇邑誌〇三陟

邑內二近德面一作校柯道上面三〇邑誌長省面

五〇邑誌〇麟蹄邑內二〇金城邑內五昌道四

狼川邑內三〇今無邑誌〇襄陽邑內三勿惱四洞山

四府東三祥雲五〇寧越邑內五西面新川一上東

采番三延平四〇洪川邑內三泉甘三陽德院五〇

平海邑內二正明一〇金化邑內一〇橫城邑內一

屯內四〇蔚珍邑內二興府三月三開市梅野一日三開市〇

杆城邑內二竹島面一〇高城邑內三一北面一〇

楊口邑內五〇鐵原邑內二外西四北面一〇歙谷



邑內一○安峽邑內五東面二西面三○平康邑內

五○伊川邑內一門巖二佳麗洲三支石四○通川

邑內二順達面三○江陵邑內二連谷三羽溪四珍

富三大和四蓬坪二

黃海道海州邑內二翠野三沙阿里五竹川一鰲淵

二冷井一石牆三○黃州邑內一東山二加隅二延

坡四○延安邑內二昂足一○平山邑內一南川五

漏川二石隅三石橋一麒麟四押橋四濯纓臺五温

井四雙橋三○谷山邑內三桃李浦二立石一○甕

津洞吾里四○金川邑內四舊邑村三古江陰村五

積巖 三 ○安岳邑內 二 北場 四 ○載寧邑內 二 蒜川

一 盤川 五 廣水院 三 青石頭 二 ○信川邑內 一 棗隅

四 ○白川邑內 一 城頭里 二 免山 三 ○長淵邑舊 十日

三 開市 ○邑新 五日 三東倉 四 浦頭院 二 ○瑞興邑內 二

德隅 二 興水院 四 莫加 四 陵里 四 ○殷栗邑內 二 ○

長連邑內 一 ○松木邑內 四 鳥川 一 東倉 三 艾洞 三

貢稅 二 ○康翎邑內 二 古縣 四 ○豐川邑內 一 石灘

三 ○鳳山邑內 二 銀波 三 景巖 五 南川 四 舍人巖 四

蒜山 二 鈿水 一 御史灘 四 ○文化邑內 五 ○遂安邑

內 一 位羅 二 文山 五 所山 二 ○新溪邑內 二 古新恩



三甫音四榆川五大坪一〇免山飛川四

咸鏡道安邊邑內三〇德源元山上場五日三元山

下場十日三野汰三〇文川箭灘二〇高原德地三

〇永興邑內五馬山四王城一六巨里二鞭灘二〇

定平邑內一南場二山倉三〇咸興邑內二地境五

中里三島上里四初里五只夏上垓一只夏松坪四只

夏三朔〇洪原邑內五靈公臺一〇北青邑內三碑石

二〇利城邑內一谷口五〇端川邑內一〇吉州以

北及三甲各邑本無場市間里間常日買賣

平安道平壤邑內一太平五屯田機二莫山筒四漢

川一長水院三笑仙四無盡二猿巖四長峙四加次

山三加屹院五○三登邑內四○三和邑內四加甌

浦二○祥原邑內四南陽三歧里大院四文浦一○

安州邑內四疏鑿三立石二大橋一○順川邑內四

新倉一東倉四北倉三院倉二假倉五沙屯二○永

柔邑內四加屹院五○江西邑內二丹地峴四○中

和邑內三腰浦四長橋五○順安邑內五薪橋一巖

赤二○甬川邑內三○慈山邑內三泥城五○龍岡

邑內三蘆洞五船橋二黃山二○殷山邑內二北倉

三○江東邑內三串赤五閔波二○定州邑內一納



清三○价川邑内一窟場二北院三無盡五○嘉山

邑内四黑鴨二○博川津頭五兩飛崖一○宣川邑

内三南倉五○咸從邑内一○成川邑内一藍田五

了波四朔倉五岐倉九○甑山邑内四○郭山邑内

二館場四新邑四○鐵山邑内一車輦站四西林二

宣沙三○寧邊邑内二東萊四撫山一開平三○恭

川邑内三院場二○熙川邑内二長洞三柔院四○

德川邑内二新場一○雲山邑内五古延洲四○龜

城邑内四南場五○義州邑内一隣山四楊下三山

城二清城四石橋五○龍川邑内一南場五北場二

站場二 彌串<sup>四</sup> ○朔州邑內三 館場五 幕嶺二 胡場  
一 ○陽德邑內一 罷邑五 平地院四 假倉四 免城一  
○孟山邑內四 ○昌城邑內四 青山五 ○寧遠邑內  
三 新倉二 杜倉三 寧城一 ○江界立石二 ○渭源邑  
內三 栢坡<sup>三七</sup> 芳弩項<sup>五二</sup> ○楚山邑內一 東倉五 童中  
四 江倉二 古面三 ○碧潼邑內一 平場二 雲場三 東  
場五 西場五

臣謹按各邑小小場市則存罷移徙間或無  
常而一從今所設行處編錄如右



東國文獻備考卷之一百七十七

東國文獻備考卷之一百七十八

校正

市糴考二

互市

杜氏通典曰辰韓國出鐵韓穢倭皆從取之諸市買皆用鐵如中國用錢

高麗定宗三年東女真大匡蘓無盖等來獻馬七百匹及方物王御天德殿閱馬為三等評定其價馬一等銀注子一事錦絹各一匹二等銀鉢一事錦絹各一匹三等錦絹各一匹



光宗九年周遣尚書水部員外郎韓彥卿尚輦奉御金彥英賫帛數千匹來市銅

○補成宗即位先時使价往來中國多行貿易崔承老上封事請非時買賣一皆禁斷

○補顯宗二年時宋契丹女真南蠻諸商往來絡繹置迎賓會仙二館以待諸國使者

○補十年宋商人泉州陳文軌福州虞瑄等二百餘人來獻土物香藥王厚荅之自海路通中國以後商人往來連歲不絕

文宗九年宴諸國人于娛賓館時宋商及日本耽羅

契丹黑水諸國商人往來貿易珍寶充牣於是等娛  
賓清河朝宗等館分宴諸國人

十六年設遼國買賣院於宣義軍南

宣宗三年遣使如遼請罷榷場時遼欲於鴨江起榷  
場故請罷之不聽連歲遣使奏請至是遼主許之

睿宗十一年女真侵遼盡下東邊諸城唯米遠拖州  
二城固守不下盡以財減價買穀于我邊吏禁民互  
市翰林學士金黃元上疏曰幸災不仁怒鄰不義請  
糴二城兼許貿易不報至是聞二城食盡遣使送米  
千石米遠統軍辭不受



補高宗三年金東京總管府再牒乞糶朝廷令邊臣  
拒不納自去年金人目亂資竭爭賫珍寶款義靜州  
關外互市米穀至以銀一錠掇米四五石商賈競趨  
射利國家嚴刑禁之而潛市未已

補潛市未已金將率兵至關外責之曰何棄舊好不  
通古糶乎擄十餘人而去

十一年東真國遣使牒告請於本國定州各置確場  
依前買賣不許

補同年日本寄書謝賊船寇邊之罪仍請互市

元宗八年遣使如蒙古奏曰日本素與小邦未嘗通

好但對馬島人時曰貿易往來金州

今金海耳

十二年蒙古設屯田經絡司鳳州

今鳳山

等處令本國

備農牛六千頭三千頭則令受直和市遂賜絹一萬二千三百五十匹王遣使陳奏再三竟不得請

十五年元送絹三萬三千餘匹貿易軍糧

補忠惠王後三年以貨殖為事發義成德泉寶興庫

布四萬八千疋開鋪於市遣南官信賁布二萬疋及

金銀鈔市貨于燕

補辛禍十一年遼東遣人來買農牛於是置點牛色

聽西北面民得自互市得牛五百頭都巡問使烙印



以送遼東以為帶印牛乃公家所獻不與直故尋罷  
十三年明使徐質來督獻馬先是賀節使安翊等還  
自京師傳帝旨將以段子一萬疋綿布四萬疋買馬  
五千乃遣典客令郭海龍奏小邦馬匹矮小何敢受  
價今奉聖旨當盡力措辦禮部咨曰奉聖旨朕與諸  
藩懋以誠信相孚高麗不能體朕至意速報國王仍  
以前物互市不分官民永為交易之道至是徐質來  
督進獻馬馬分三等上等馬段二匹布八疋中等段  
一匹布六疋下等段一匹布四疋凡五千匹定五運  
相繼押送遼東其老病矮小者退還

補遼東來市屯田牛五千七百頭

恭讓王三年以軍資少尹安老生為西北面察訪別  
監禁互市上國者初商賈之徒將牛馬金銀苧麻布  
潛往遼瀋買賣者甚重國家雖禁之未有著令往來  
興販絡繹於道魯生往斬其魁十餘人餘皆杖配水  
軍仍沒其貨且杖其官吏之不能禁遏者於是紀綱  
大行邊境肅然無復有犯禁者

本朝太宗六年命置貿易所於鏡城及慶源東北面  
都巡問使朴信上言鏡城慶源地面不禁出八則或  
有闌出之患一於禁絕則野人以不得鹽鐵或生邊



隙乞於二郡置貿易所令彼人得來互市上從之惟鐵則只通水鐵

世宗十四年宣宗皇帝遣太監尹鳳賚勅令送畊牛一萬匹於遼東以絹布貿易命政院政府六曹擬議或有欲以罹疾缺少難堪充數為辭者上語知申事安崇善曰是議予不取也予至誠事大乃以詐言奏聞規戒豈理也於是為山九仞功虧一簣也

宣祖二十六年本國請於大明賜絲中江開市交易仍設場市

柳成龍曰宣廟癸巳甲午年間飢荒日甚餓莩

滿野公私蓄積蕩然賑拯無策成龍請移咨遼  
東開市中江以通貿易中原亦知我國飢甚遂  
許之於是遼左米穀多流出於我國平安之民  
先受其利京城之民亦以船路相通數年之間  
賴此全活者不計其數蓋其時我國綿布一疋  
直皮穀不滿一斗而中江直米二十餘斗其用  
銀銅水鐵者尤得十倍之利始知古人以通商  
為荒政之要也

三十四年皇朝撫院曰本國乞罷中江開市移咨本  
國曰通曰倭犯朝鮮暫議開市以濟軍需不過一時



權宜之計况今倭奴業已退遯即將中江交易盡行  
停止再不許違禁貿易致起爭端

三十五年中江交市撫院已許停罷而太監高洋移  
咨請復辭極嚴切更令義州官照舊買賣

光海元年乞葺罷中江開市事移咨禮部許之

補仁祖十六年備局啓曰蒙古地方買牛次知郎廳  
呈稟目云聞瀋陽牛價則市直銀子三十餘兩蒙古  
地方牛價則與瀋陽牛價相去不遠則事多難處今  
此卜定物貨大槩以銀折計則不過一千九百餘兩  
以瀋陽價論之則一牛之價三十兩銀子則此價買

牛僅至六十頭以二十兩計之則亦不出百頭所費甚多而所得甚少公私無益瀋陽牛價果為三十餘兩則蒙古地方牛價似不下於二十餘兩然則何以處之云臣等之所慮亦在於此若到彼之後索價頻高則所望歸虛得不償失既已八徃則空返亦難使之到彼觀其價高下而量宜買來事言送荅曰使之深入貿易厥價俾勿還為持來

二十四年因戶部咨照舊開中江市

中江開市

中江開市順治丙戌定以三月十五日九月十五日



二次交易丁亥春市差官等將衙門文書要買馬一百五十匹本國以馬非土產而兵革之後加以疫斃駟郵難繼不得應副咨會戶部其冬戶部又以為三月則春畊方張九月則秋收亦殷於民甚覺未便議改於二八月聽民照例貿易奉旨咨會時雖迫於咨請聽施其賣牛而但令以官辦牛鹽照例買換而已并不許私商隨往其後本國禁令漸弛而私商濫隨名之曰中江後市康熙庚午間遼鳳車戶十二人稱曰攔頭我行人往來卜物權其車脚脚價倍增而攔頭等益饒於財乃與關東貪吏締交為利自願納稅

於瀋庫多輸貨物又專其後市之利而又於使行出  
八柵時灣上及松都商人等潛持銀蔘混在夫馬之  
徒中販物牟利始而漸繁終至於燕還車脚故令遲  
運而先送使臣出柵無所憚壓然後任情買賣而歸  
是則名之曰柵門後市

◉補英宗二十四年領議政金在魯巡啓今番義州中  
江關市時唐帽子五十餘隻買賣出來以此帽子價  
賤云此是前所未有之事蓋關市物種自有定例牛  
隻木疋海帶海蔘白紙等物八給後并以小青木折  
價受出一一成丹報備局而一無帽子買賣不知何



故創有此事邊門市場防範至嚴果為無例之買賣則守邊之臣不可無重處之道查問本道後處之何如上曰依為之

中江開市公買賣捻數○牛共二百隻○海帶共一萬五千七百九十五斤○海蔘共二千二百斤○綿布共三百七十三疋○布共一百七十五疋○白紙共八千四百卷○牘紙共六百卷○鹽共三百十石○犁口共一百九十四箇○沙器共三百三十竹

臣謹按中江後市肅廟庚辰移咨禮部革罷

柵門後市則至今猶行而使行回還時與燕  
卜同時出柵事永以為式

### 北關開市

崇德間寧古塔烏喇兩處人持戶部票文來貿農牛  
農器食鹽是為會寧開市後以為例逐年開市子寅  
辰午申戌年謂之單開市丑卯巳未亥酉年謂之雙  
開市北京禮部有泐送頭戶咨文畢市後我國有完  
市咨文公市牛一百十四首犁二千六百箇釜五十  
五坐補釜五十坐不載於市供捻數或者釐改歟即公市定數也待差官  
到來差使負同地方官并於客館監市其後嚴邱賴



達湖戶人來易牛犂釜於慶源是為慶源開市後以  
為例慶源則間年開市完市咨文如會寧公市市牛  
五十首犂四十六箇釜五十五坐即公市之數也待  
差官監市與會市同順治間會寧慶源交易來人至  
五百九十四馬牛駝一千一百四十四芻糧供億民  
不能堪咨請定式禮部回咨寧古塔及厚春慶源交易  
人馬原無定數厚春離交易處所止隔一河早進交  
易晚可回還相應不議外寧古塔人三百二十名馬  
牛駝六百四十匹隻定數領往章京一員跟役五馬  
十五分撥庫一員跟役三馬十筆貼式一員跟役二

馬七交易牛隻犂鐮鹽釜等項預先辦備不滿二十日回還咨行朝鮮國及寧古塔總管以為定式

○補孝宗己丑副提學閔應亨巡啓曰北方與彼接境前日開市時彼人多市雌馬而去馬畜之不繁職此之由也將來亦必有交市之弊此路一開馬將絕種不可不預防矣上曰雌馬之貨賣為害不貲承旨言予備局申飭防禁

○補丁丑講和後互市於會寧來無定數留無期限供億侵撓靡有紀極顯宗己亥李汝餘為府使馳報道臣轉聞朝廷移咨北京客商毋過三百五十



人留住毋過二十日遵行至今汝發之初莅適值  
市期清差取捷徑自東門入汝發枷舌隸而責之  
曰使大國差官不由正路是汝之罪罪當斬差官  
聞之慙謝曰此吾之過乞貸其死前此差官來者  
作挐甚汝發與之約使不得無故出館清人不敢  
違積弊始去邑民鑄銅紀績

①補二年吏曹正郎南九萬疏曰伏見會寧府開市  
前後狀本凡其發賣之際恐喝驅迫無所不至而  
悍然有挺刃相加之勢此實國家莫大之憂也臣  
聞當初開市惟使六鎮諸邑供其需索而年增歲

加轉及近南之邑今則安邊等邑亦皆船運陸輸而每患不足其勢必至於竭一國之力以為填壑之資雖曰此事本出於大不獲已然而豈可直付之無可奈何而不以為意也亟簡朝廷重臣之素有人望者寄以鎖鑰之任而更選幕佐如古評事使之補弊起廢經理懷綏以為折衝之策又以本道窮匱之狀往告于北京委申其辭善為開陳請減發賣物件定為恒式更勅邊臣嚴立約束以杜日後無窮之弊漸焉

○補肅宗十二年檢討官申啓華逖啓會寧慶源等邑



開市時清人等將其牛馬而來買去我國牛馬而其  
價甚高。清馬一匹之價小不下農牛七八隻。故在前買  
賣之禁極其嚴竣矣。乙卯年間自廟堂行開本道  
許其買賣無復防禁。六鎮守令邊將輩無所忌憚。多  
有潛買清馬者。而每每責徵牛馬於民間。只給若干  
穀物以充其價。故民間莫不怨苦。而迫於官威不敢  
違拒。云聞來不勝痛駭。曾前潛買清馬之守令邊將  
亦難摘發治罪。若不申嚴禁令。則此後北路牛馬  
勢將盡縮。而民無以保存。事極可慮。分付本道使之  
一切禁斷。而如有犯禁現露者。各別重治。宜當令廟

堂稟處

⑦二十二年吏曹判書李寅燁巡啓北道春秋開市時彼我貨易之時為弊甚多故朝家設禁意有所在而每以御乘苟簡或冀得其可合者且以將士所騎多賴於此故曾有嚴防之議而終不得行矣蓋聞以我馬五六匹換彼馬一匹故北道馬牛漸至衰縮北關以邊上重地其所產馬牛不許南出者自是祖宗朝法禁而漸至廢弛此已不當其北八者無有限數尤極寒心雖以御乘言之不得可合者而徒貽無限弊端近來北民之困於誅求未必不由於此北倅之



以此被罪者前後不知其數至於牧場之馬亦以此多見偷賣云宜令嚴防此路然後凡此數弊可以矯革而邊上馬牛亦可以蕃息矣領議政崔錫昂曰小臣曾欲一陳此弊未及仰達而凡事必從弊生處可以防之御乘則不必從北路求之北馬潛賣之弊所當嚴禁令廟堂別為移關申飭北路似可矣從之

○補二十三年戶曹判書李濡遜啓曰請糴事臣嘗於端而既涉重大亦多難便雖得數萬石一番運來之後不可每每煩請至於開市交易則似無難便之事限數年許開此路則民有所恃蒙利不貲蓋於壬辰亂

後故相臣柳成龍建議移咨開市中江其時閔西米  
直一疋之木不過一二斗而中江所買則多至二十  
餘斗故京江之人亦為船運賴以生活此是已行可  
據之例且遼東商賈以雇車取利為業一自攔頭設  
置之後失其生利此輩必將爭先取米運致鳳城我  
國之人無論遠近亦必持銀貨入去買米不但清北  
蒙利自龍鐵之間可以船運京江波及於畿甸之民  
此所以開市之愈於請糴也

①補又所啓開市價直之刁蹬至此者與當初所料大  
相不同自前年例開市及北京交易時彼我商賈輩



互相抑揚乃是常事故今此爭執亦由於此而我國則一石折價二兩彼人則折價十二兩俱不適中蓋其米直則只為一兩二錢而所爭者專在賈價之多少也我國使行時雇車之價自瀋陽至鳳城例不過一兩而今番則以其道路泥濘牛畜多死之故必欲要索高價以充其費云例價之外雖不可一從其言而許多米車既已出來之後一向相持極為可慮通官輦私語以為一石二兩之外又添數兩則或可開諭決定云自朝廷折定分付事體不當只以當初過為輕減致責任事之人更令叅酌稍可其數斯速了

當之意回移于接伴使且以私書別為相通以正銀  
四兩充定則在我亦不至失本矣崔錫鼎曰壬辰倭  
亂後民廢畊作癸甲之凶荒連仍其時有中江開市  
之事米穀多為出來其時市直則一疋木得米二斗  
而關市價直則一疋木給二十餘斗大為蒙利云卽  
今則使私商輸運使之折價故以致如此矣上曰此  
事與當初所料懸殊而卽今事勢價直則自朝廷不  
可折定分付依所達使接伴使更加忝酌為之可也  
○補英宗二年侍讀官金龍慶筵啓開市時許私發賣  
者其來久矣彼人不善畊種故每年仰哺於我國而



常漢輩貪於彼人之物貨盡出其穀物牛隻而發賣一番開市米太幾至數千石牛隻亦至數百頭儲蓄未免匱竭農牛漸至耗減北路凋敝實由於此此後則私發賣穀物牛隻減數定限俾不得任意耗費似合事宜矣上曰令廟堂一體稟處可也

○補又曰北道痼弊無過開市會寧則彼中人馬之出來者自有定數其所淹留亦有日限故彼人輩不敢遠越而至於慶源則初不定數亦無期限故每致人馬多來久留不去矣今番之久滯於慶源尤是前所罕有而所徃鍾城穩城等處徵求無厭殆難支堪年

年漸至增加則其弊必將無窮北兵使所上上中下  
三策論理狀聞未知今已回啓與否而必須急速變  
通或如義州中江開市例或如會寧例定其人馬之  
數限其淹留之期且禮軍贈給物種及布同之數斟酌  
磨鍊移咨北京永為定式似好矣上曰北帥旣已  
狀聞儒臣又此陳達令廟堂商確稟處可也

(補)三年確益寬

時咸鏡  
監司

廷啓曰清差開市時多以

牛隻掇買他物而後春部落距慶源至近牛隻馬  
匹往往風逸從江口而越來者有之村人不敢私  
隱納于本府前日則必為隔江招呼還送于彼人



矣近目為守宰者或留不還彼人雖隔江來索漫  
辭而荅之云春秋時兩國之間有爭桑葉而舉兵  
相攻者此事關係甚重臣下去後即當別關嚴飭  
若自廟堂稟旨嚴立科條隨覘論罪則庶無邊境  
生事之患矣從之

補十八年特進官朴文秀筵啓當初接待清差時贈  
給之物皆有定數而我國人心無狀六鎮之座首兵  
房輩欲憑藉清差而偷食各物教諭清差定數外徵索  
同有紀極明年甚於昨年又明年甚於明年前則  
一疋布定給者今為二十疋他各物濫加亦皆如此

之故徵餉於每戶者至於數十疋之多卽今六鎮民  
其身役有甚三南朝家若不善處則十年之間六鎮  
必有空虛之患矣且聞大通官自燕京差送故非但  
厭苦遠行且浮費甚多故每囑於首譯輩欲得咨文  
圖塞六鎮交易云蓋此交易大關於彼人則設或有  
一時防塞之事日後安知無難堪之慮耶如義州中  
江開市例為之則通官輩因此而圖免遠役六鎮亦  
因此而祛清差之弊事甚便當自廟堂招見解事首  
譯數人講確稟處好矣且六鎮各邑守令見侵於通  
官之喝辱多費民布而若以實數狀聞則有被罪之



慮故每年加給之數必為欺隱朝家實無所以祥知  
矣分付北評使詢問於各邑從實狀狀聞俾廟堂深  
知其弊而趨速變通斷不可已矣領事趙顯命曰小  
臣曾聞巡中有以此事變通仰達而自上不許云矣  
頃日始詳聞朴文秀之言欲一次仰請矣上曰北道  
事甚悶矣前則欲罷之故予持難矣若如義州開市  
例為之則誠好矣自廟堂善為商確處之可也

○補三十一年左叅贊趙榮國巡啓臣於今行詳察北  
路事情則慶源間開市實為穩鍾源三邑難支之痼  
弊此若不變通則不出十年三邑之民殆將盡之

矣蓋會寧逐年開市則南北各同力相助故僅得支  
過而至於慶源間年開市則差人自會寧歷鍾穩至  
慶源罷市後又自慶源還歸鍾城八去之時所率殆  
至百餘人留連誅求之弊固有紀極所謂別贈之物  
逐年增加近日則他餘物情姑舍未論至於細布之  
屬一邑殆至百餘同自官獨當無從辦出凡供億之  
需贈遺之物一皆責徵於民間雖殫地竭閭無以應  
其求一經此行如蓬亂離以此之故民不支堪流散  
相續三邑民戶日漸減縮殆不成邑樣誠極寒心大  
抵會寧開市則今至百餘年之久今不可猝然請罷



我固有辭而此亦未易言也雖然後春之距會寧不  
過百餘里經宿則可以來往後春開市若合設於會  
寧則三邑之積弊可以永除而在彼亦無難便之事  
如以三邑十年荐飢之餘民力難支從便合設之意  
善為辭命咨請變通則彼亦不必持難矣茲事大關  
邊民休戚故敢此仰達下詢廟堂而處之何如上曰  
此則令備局商量處之

補三十五年命革罷開市時守令之私贈釐正供億  
之經費蓋初年人畜之來不過十五六今幾乎千數  
而駝騾之屬過之留館遠或至八九十日近不下三

四十日其委積之供一道財力殆盡通官守令始以  
不腆之物私自贈遺十數年後仍名為邑贈年年增  
益物種殆過數百雖以麻布一種言之乙未布穩城  
一邑之需不滿千段經八市至癸丑為五千餘疋他  
物稱是初年穀出於民者六千包今至累鉅萬任掌  
輦又夤緣為奸慝患虐歛而分食會鍾源穩之民至  
欲空邑以去者數矣辛未秋監賑御史李彛章復命  
書啓首論市弊仍請移咨變通曰臣於年前奉命使  
燕粗聞事情開市一款在彼本不甚緊槩市昉於建  
州後春強盛時而近來建州人亦煮瑟海為鹽中原



銅鐵日益委輸固無藉乎我市且彼務樹德若知我國貽弊之至此其一切革罷固或容易而但以百年約條不敢輕議若於高嶺越邊彼地開曠處約日合市各以其物依前交易一如灣府中江開市之例則既不妨撓於約條而向所謂求請餼牢之費自歸皮不存之毛矣卿宰中亦有主是論者而上甚難之議遂止至是鍾城儒生蔡徵殷上書以為開市禮軍贈給之規逐年增加布為二萬三千疋穀為八千七百餘石朝家劃給則只田米三百五十石年二百石而專責民間每每白徵請從穩城例折半劃給以紓民

前之急又從義州例移市於境外以除日後之弊上  
愍然舊憂以李彞章為咸鏡監司命以便宜變通仍  
命北兵使李殷春署軍令杖下教曰今年開市若給  
昔無今有之物種其守令當集示邊上帥臣亦不免  
挨次之律廟堂覆奏以北路開市之規雖與義州有  
異而既非自我任意可改之事且是百餘年之已行  
則今難變通而至於禮軍劃給與餉民多少令道臣  
杖聞稟處李彞章巡啓大臣所達先定規謨之說誠  
好矣大凡開市先自會亭始會亭善為之則所徃各  
邑得蒙其力會亭不善為之則各邑亦受其弊凡百



申飭當自會寧始矣會寧開市以其最先設行故接待物種皆自各邑分定輸送數頗優厚鍾城邑樣亦稍優故會鍾兩邑每當清差自有規謨不甚煩民力矣卽今朝家深軫穩城慶源之民散力竭有此嚴飭而會寧鍾城所接待贈給者若一照前例而獨於穩慶厚薄不齊則反為彼人執言之端臣意則會鍾兩邑贈給之數並加裁抑俾有一統規謨而彼人例入之物隨意損益以為相資之地似合事宜矣上曰所奏誠是依為之

○補又所啓開市時我國接待多失其道犧牢飲食極

其麤惡非人所食初頭挑怒生頃專在於此矣彼人  
接待之需自有朝家所區劃彼人亦稔知其實效故  
見其薄劣輒疑其廋匿其受侮逢辱亦多由此此則  
臣與帥臣當極意嚴飭而最所可駭者開市之法本  
來嚴重留館若干日定約開市日字其日地方官與  
通官輦眼同開坐於市場始許彼此交易者此開市  
常規而近來法網解弛該邑守令寅緣兵房軍官通  
事輦私相交易此路一開閑雜無賴之輩又復效顰  
未開市前買賣浪藉種種百弊皆由於此此則不可  
不嚴防矣臣到營後當卽發閱嚴飭而如或摘發則



繩以重律何如上曰此後守令若犯私市則用潛商律可也

○補赴任後請罷邑贈狀曰異國相交國之大故也而規謨不立管束不嚴以至於此此規不革雖或減得其幾分一年二年又將漸增必為依舊樣子既非約條又非朝家所知乃私贈也人臣無疆外之交則守令私贈名目不正一切革罷似合事宜監營兵營皆有朝家所知之例贈賄於開市初年此所謂昔有者也行人之八疆道臣帥臣依朝令有贈禮也名目甚正當只存此名色而但其數又甚些少不滿一邑所

贈百分之一渠亦有去來盤纏之費而歸橐不能敵  
此則窮隘狼貝之極目下之生梗姑舍來頭之作弄  
可慮若酌量分數畧添物種仍與之牢結約束而作  
為定式則規謨既立管束有制通官輩虛喝無所施  
而任掌輩不得干涉於贈給歛民之弊不期祛而自  
祛矣上可之遂革罷邑贈蠲減供費仍釐正節目成  
定例丹子進之相臣金致仁奏曰臣覽開市定例則  
件件中竊可謂盛水不漏足以行之久遠永杜後弊  
請申飭遵守上可之甲申相臣洪鳳漢奏曰開市變  
通後累經度軍市一遵定例而無弊自己卯減得民



歛十分之九在北民誠大惠也定例且善成不但我  
人之遵守雖彼人語及定例亦不敢生心違越定例  
刊行已有成命今可即刊矣上又可之至戊子始為  
刊布

會市市供捻數

公市牛一百十四首

本府二十  
七首○慶

興十五首○慶源十五首○鐘城二  
十首○穩城十五首○茂山十八首

犁二千六百

箇

本府三百三十七箇○慶源三百七十七箇○穩城二百七十二箇○鐘城

三百十二箇○茂山六十二箇○富寧一百八十二箇○鏡城三百五十七箇○明川二百八十二

箇○吉州鹽八百五十五石

本府一百三石○慶源

九十八石○穩城八十二石○鐘城九十八石○富寧六十二石○鏡城一百三十石○明川九十

三石〇吉州  
一百三十石  
回禮牛價  
一等每首羊裘一領小  
布二匹〇二等每首羊裘

一領小青布一匹〇三等每首小青布八匹〇四  
等每首小青布七匹〇五等每首小青布六匹〇四

犁價  
五箇小青  
布一匹  
鹽價  
每石小  
布一匹

源市市供捻數  
公市牛五十首  
本府十首〇慶  
興九首〇穩城

十八首〇鍾  
城十三首  
犁四十八箇  
本府二十七箇〇穩城四箇〇

鍾城  
釜五十五坐  
本府十八坐〇慶興十坐〇  
穩城九坐〇鍾城十八坐  
回

禮牛價  
一等每首大鹿皮三令中四令小七令〇  
二等每首大鹿皮三令中四令小七令〇

三等每首大鹿皮三令中四令小六令〇四等每  
首大鹿皮三令中五令〇五等每首大鹿

皮三令中四  
令小三令  
犁價  
每箇小  
皮一令  
釜價  
每坐小  
皮二令

倭関開市



○補世宗二十五年倭寇濟州為邊將所敗歸朝廷遣使責問對馬島馬島縛獻首亂者以功歲許五十船來市事畢則還因緣留居漸至滋繁命島主刷還成宗朝以日本書啓使臣私有所獻責以人臣無私要拒不許其後別幅內始稱賣物未幾又稱商物朝廷又許買

○補中宗五年三浦倭叛討平之絕和親七年更定約條歲許二十五船至壬辰遂絕

○補宣朝三十六年九月對馬島倭請開市命二品以上會議朝堂皆以為我國與倭國義不共一天而經

亂十年尚且玩愒兵力人心無一可恃姑試羈縻徐  
圖長策似好權時之宜尹根壽以為此賊之退專伏  
天朝兵力今日通市一事如不獲已則宜俱陳可虞  
之情狀奏聞天朝似為合宜備局回啓請權宜處置  
姑緩函鋒事明白咨奏請其裁上從之

補光海元年始為開市通貨定行於倭館大廳初歲  
許二十船歲至使者來時許三船或二船在二十船  
約條之內倭人之無引文及路不由釜山并以盜論

補仁祖十五年備局啓曰臣等偶見禮曹公事因  
東萊府使狀啓許除倭館蔘禁已蒙允下祖宗朝



銀簦之禁實有深意而亂後法廢赴京之行無復禁防以致簦貨極貴而邊民越境之弊至此極矣今因一時商賈失利之故又開倭館用簦之路則不知日後難處之憂不有倍於前日乎祖宗法禁非甚不得已不可輕議變通設或當復變通亦宜與本道監司相議啓聞以待廟堂敷啓方合慎重之道今者本府府使徒聽商賈之訴不稟道主而遽為陳啓該曹只據邊臣之言不存遠慮而徑請破格俱未免失體

孝宗朝東萊府使尹文舉以大廳開市之規久廢

不行申嚴信誓館倭等闌出露刃狀請朝廷遣譯  
官八島中問之則代官互相推諉歸罪於醫倭久  
可者斬之籍其家云其後府使任義伯更申前約  
開市於大廳而如有未盡訃數論價者則卽令商  
賈更入中大廳盡情論定卽為罷出如前任意散  
入各房者論以潛商負債定為七條約刻板遵行  
倭亦以禁條懸板館中云買賣之外不給價勿作  
假銀勿用輕重秤子勿賣軍器禁物凡十一條壬戌  
信使至馬島島主呈別單云戊申己酉年間筑前  
州豪民陰通貴國貿易禁物其黨數十皆磔死沒



八家財其中多貴國書籍東國通鑑已刊行輿地志大典等書藏于官庫府使南益薰與館倭更申

前約開市時散八各房者重罪路浮稅

貢倭債謂之路浮稅

與受同罪之意立石刻制札戊寅倭人請行元字銀元字者六星之謂也時日本既改八星之制更造六星通行於國中館倭來云舊銀五十兩恰取正銀四十兩新銀五十兩恰取三十一兩吹鍊舊銀比較新銀則新銀之為六星三分可知府使趙泰東使商譯吹鍊則新銀五十兩出正銀三十一兩八錢五分廟堂今取新銀千兩送之燕市試其

見售與否倭人之請用六星者已久矣至是廟議以六星既許劣二星而售於燕市則不必搪塞遂許之識者或憂其有詐其後又請用新丁八星亦許之新丁舊丁雖同稱八星其品有精粗之別燕市言之如此倭初欲以新丁易舊丁慮我不許先出六星以試之我既輕許六星則新丁八星之請其勢不得不許而市民以精粗不同不肯以新丁易舊丁有交易不通之歎領府事南九萬建白近來各衙門軍門給銀於赴燕商譯使納息利商譯以其轉販之難請直納買來之唐貨各衙門又慮



還償之稍遲送付於萊府訓別使之買銀訓別  
之設本意接倭貿易非其責且館倭若知京中諸  
上司皆為興利之習則其輕侮必矣自今一切痛  
禁於諸衙門辛巳倭請行八星銀前日倭欲行寶  
字銀未售其計至是更送八星銀一萬七千兩東  
萊府使李正臣使之吹鍊則準八星之數於是  
以此啓聞朝廷許令行之而禁六星島主書曰買賣  
失利事說弊於江戶諸執政更通舊銀萊府荅曰  
十餘年間變更銀貨至於三度毋論利害之如何  
舉措顛倒朝家寬大不較長短特循所請許用八

星後或并行六星或混用寶字當絕通貨之路

補肅宗二十八年戶曹判書金昌集啓曰東萊商賈舊無定數向時稱有潛商濫雜之弊以三十名定其額數自此以後物貨往來之際多有操縱之弊且與倭人親昵我國事情亦不無漏通之弊其權視訓導別差及重今若罷其定數依前為之似好故議于諸大臣則皆以為定額無據似當還罷之矣下詢于八侍諸大臣何如左議政李世白曰臣待罪戶曹時亦有欲罷之意則因諸議不一未果矣厥後聞之則商賈輩作舍於館門之外率妻孥居生他商則使不得



接足獨執其權奸偽甚多且與館倭晝夜相接我國  
凡事亦豈無宣泄之慮乎此雖與會寧中江開市有  
異不當定其額數任其恒居不但諸議皆然曾徑東  
萊府使者皆言其當罷矣禮曹判書金鎮龜曰罷其  
額數而不為防禁其弊比定額時必為尤甚願令廟  
堂商確定其節目俾無後弊然後罷其額數似好矣  
上曰節目詳備講定俾無後弊然後革罷額數可也

館市事例

每月三旬之三日八日

舊例只於三日開市一月

三市萬曆庚戌添為六市若倭人有請或物貨委積之時則別開市

商賈等

康熙辛未朝家

以為京外務商之類日繁而頗有濫雜之弊以其  
中三十人為數籍名其後買賣失利三十人幾盡



廢業而無籍者有禁不得出八板受牌各有字號烙印於貨路甚梗至戊子還罷其額數

東萊府持物貨詣守門則訓導別差及收稅官開市監官眼同檢驗置簿入送而訓別仍為八坐大廳則諸商就前跪拜然後各以其貨以次交易盡情論定而一時并退特出倭貨亦皆置簿到歲末出八相準報戶曹

臣謹按倭館開市之初燕貨自本國流通於萊府與倭交販故市利頗盛近世以來倭國自長碕島通貨於南京之後所謂館市只存其名所販者不過朝夕所需鹽菜之類而已



東國文獻備考卷之一百七十八







